



## Universitätsbibliothek Paderborn

### **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1847**

MDCCLVI. Markgraf Friedrich der Jüngere bekundet die Urfehde, welche  
Volkmar von Reten, Henning Sluter und Hans Beirmann dem Rath zu  
Braunschweig geleistet, am 16. Juli 1455.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

gnade don worde, dat se in ore Stad edder neger wan teyn mile komen mochten, So schal de genante Eler borcholte vmme vnser bede willen sulker gnade ok geneten: vnde hir vp hefft de vorscreuen Rad to Brunswigk vor syk vnde alle ore borger vnde inwoner den vorgenanten borcholten vnde sinen sonen aller duffer vorgescruen sake eyne ewige sone vnde frede to gesecht vnde gelouet vnde sehullen vnde willen ok den iergenanten borcholten eyne absolucien vnde losebrine sodanner banne vnde ouerachte, dar se sy inne hebben, by orer eygenen kost twisschen duffer tyd vnde sunte Michaelis dage negekomende vorweruen, de van on to Brunswigk de suluen borcholten schullen vnde mogen laten halen. Ok mogen des genanten Eler borcholten sone zeker vnde velich vor de van Brunswigk vnde alle de oren in dat lant to Brunswigk komen vnde vmme de Stad her vnde dar dorch wan se willen wandern vnde ok bynnen der Stad to Brunswigk eyne nacht edder twe wesen vnde bliuen, wur vnde wan on dat bequeme is. Dusses to bekantnisse vnde openbaren bewisinge hebben wy vnse ingesegel heten an dussen breff hengen, vnde wy Er iohan verdemann, prouest to dambeke, frederick van Jetze, der elder, vnde arnd van luderitze, Bekennen openbare in dusssem suluen breue, dat vns alle dulle vorscreuen stücke vnde ding witlyk sin vnde hebben dar mede an vnde ouer gewesen vnde do also geseen vnde gehord handelen alz vorgeroret is, vnde dusses to tuchnisse hebben wy frederyk vnde arnd vorgebant eyn iowelk sin ingesegel by des obgenanten vnser gnedigen heren ingesegel mede laten hengen an dussen breff, der ek er iohan, prouest eirgenant, van gebreke wegen myns eygen vppe ditmal hirmede to gebruke. Gegeuen to gardelege, na Christi vnser heren gebord veirteynhundert Jar vnde dar in dem viiff vnde velftigsten iare, am dinxfdage diuisionis apostolorum.

Aus einem im 15. Jahrhunderte angefertigten, im Herzogl. Landeshauptarchiue zu Wolfenbüttel vorhandenen Copialbuche der Stadt Braunschweig.

MDCCLVI. Markgraf Friedrich der Jüngere bekundet die Urfehde, welche Volkmar von Reten, Henning Sluter und Hans Weirmann dem Rath zu Braunschweig geleistet, am 16. Juli 1455.

Wy Frederich de Junger, van golt gnaden Marggraue to Brandenborch etc., Bekennen openbare mit dusssem breue vor allweme, dat volkman van reten, henning sluter vnde hans beirman dem Rade to Brunswigk aller sake vnde tosprake de se iegen sy meynden to hebben vor vnser Reden vnde leuen getruwen Ern iohan verdemann, proueste to Dambeke, vnser kenzler Arnde van ludritze vnser houetman vnde frederyke van jetze den Elder, den wy dat beuolen hadden, eyne sone vnde frede to gesecht vnde eyne rechte orueyde gedan, gelouet vnde gesworen hebben, desgeliken on de Rad der gnanten Stad Brunswyk vor syk vnde alle ore borger vnde de oren ok eyne ewige sone vnde vrede geredet vnde gelouet hebben on ok in aller maten vnde se on wed-



der vme eyn dem andern to holdende, alz de vdracht vnde Recess mit borcholten inneholdet vnde vtwiset. To orkunde mit vnser vpgedruckten jngeselegel vorsegelt vnde Geuen to gardelege, am Mitweken na diuisionis apostolorum, anno 1455.

Aus einem im 15. Jahrhunderte angefertigten, im Herzogl. Landeshauptarchiue zu Wolfenbüttel vorhandenen Copialbuche der Stadt Braunschweig.

MDCCLVII. Markgraf Friedrich der Jüngere bekundet, daß Assche Holthusen sich mit der Stadt Braunschweig ausgesöhnt und Urfehde geschworen habe, am 14. September 1455.

Frederich de Jungere, van gott gnaden Marggraue to Brandenborch etc., den Erfamen vn wisen vnser leuen bifundern Borgermester vn Radmannen der Stad to Brunswigk. Vnser gunstigen grus touorn. Erfamen vnde wisen leuen bifundern, So denne latest do de juwen juwes Rades by vns to Ghardelege weren vme affschen holthusen, ok eyn der, de juwe Stad vorkoren hebben, de do van vmmacht wegen dar nicht komen kunde, bededinget vnde besproken wart, wan he sodanne berichtinge, vrede vnde zone mit dem Rade van Brunswigk vnde den oren to holdende vor vns anneme vor orueydede vnde vor eydede, alz Eylerd borcholten mit synen ssonen vnde itliken andern darfulues to Ghardelege do vor vns dede, So wolde gy ok wedderumme zodanne vrede, sone vnde vdracht om holden vnde in aller mate gyk iegen one hebben, So dem genanten Eylerd borcholten vnde itliken andern synen kunpanen dofulues vor vns van den juwen togeflecht wart etc. Des do wy jw nu fruntliken wetten, dat de genante affschen holthusen, alz Daling Date dusses breues sodanne vorfcreuen berichtinge, vrede vnde sone vor vns vnde vnser Reden mit gudem willen vor syk vnde alle, de des van syner wegen to donde hebben, hefft bewillet, beuulbordet vnde angenomen, vororueydet vnde to den hilligen geschworen in allermate vnde formen, alz Eylerd borcholten vnde ok itlike andere sine mede kunpan gedan hebben etc. Wurumme begere wy mit sunderlikem flyte, gy willen den genanten affschen holthusen in sodanne berichtinge, sone vnde vrede nu ok nemen vnde gyk tegen on so hebben vnde holden, alz mit Eylerd borcholten vnde andern itliken synen mede kunpanen vor vns besproken vnde bededinget is worden, vnde willen vns des juwe bescreuen antworde by dusssem iegenwardigen boden wedderfenden, dar de genante affschen holthusen zik na richten moge. Gegeuen to Soltwedel, am donnerdage na vnser fruwen dage Natiuitatis, Anno domini 1455.

Aus einem im 15. Jahrhunderte gefertigten, im Herzogl. Landeshauptarchiue zu Wolfenbüttel vorhandenen Copialbuche der Stadt Braunschweig.